



I am Sorry !!!!!

O إفرح لأنك على دراعك

بنيت بيتك

وبقطنك زرعته وغزلته

نسجت جلابيتك

عمرك برشوة ولا بصدقة أكلت طعام

ولا قلت مرة كلام

خالف حواديتك

**

ليه المرارة وسيرتك

عطر م الأحلام !!

•

0 ح أموت لو كتمت صوت
الآهة فى قلبى
انا اللى أطعمت الجميع روجى
ما فى حدا جنبى
أعز أصحابى فاتوا والأقربين فلوا
والعز والعزوة قلوا
وانفضح ذنبى! ..
**

يوم بعث روجى لشيطان
توهنى عن دربى!

•

0 حتى اللى ناسخ بايده

محكم التنزيل

ما يطقش يسمع لغيره

بدائع المواويل

شأن اللى مسجون فى ذاته له خيال محدود

يشوفنى فى جهود سواه

مهما تحلى - قليل

**

ومنين اجيب قلب

فى سوق الجهالة - نبيل

•

0 الخلق اللى رضيووا

ييقوا صراصير

بتصغر نفسك ليهم ليه

وانت كبير ؟

انت مليت الدنيا غناوى فى حب بلادك

ربيت أولادك بحلالك

وفضلت سمير !

**

لاكسر مناخيرك

ولاكسر كى كبير

•

0 من صغر سنك بتطمع

تولدَ البغلة

بين لحظة والوهلة

تنط لسلمة أعلى

عارف طبيعة السلالم توصلك للسطح

وفى قمة الشطح

تلقى نطتك هبلة

**

إذ بعد زحف الصعود

وصلت للسفلى

•

O رجع نظام يوليه
يلعب بينا ع المكشوف
رجع بحرفية وقدرة
وذكاء معروف
من غير جمال واشترافية وظيفات أحرار
وقفنا زنهان نرقص له
طوابير و صفوف
**
يارب كملها جمائل
قاتلنى الخوف !

•

O لا لك قرايب كوادر

أو رجال دولة

ولا عمر لك خال

فاز بالصدفة بمقاولة

إنّ مواطن بلا عزوة مسجل ختم مش مقبول

فأزاي يامهبول بتحلم

إن تكون مسئول ولك صولة

**

هذي بلاد الفراعنة

ملكها مداولة !

•

O أنا م الجيل اللى اتربى
على صرخة تسقط امريكا
ولامونا اصحاب المصلحة
والقابضين قالوا شريكه
وبحفنة دولارات وتشيكلس خدعونا
وباعونا خرده وكر اكيب
تسليم الفابريكا ..

**

ولسه ما فوقتش م السكره
ح تفوق إمتى ياويكا

•

O بديت أشك ان أنا
مولود اكيد مجنون
لأنى ورا كل حاجه
انبش عن المدفون
سوا فى طين الضماير أو ورا الاقنعة
لذا الجهات الاربعه
بيظنوا بيّه الظنون
**
نُسمة أنا وزوبعة
مزاجى مش مضمون !

•

O تعبانہ قلوبکم علشان ضمايرکم
قلقانه من سوء عمايلکم يامساكين
ندمانه بتتحسر ع العيبة
اللى مارستوها على زملاءكو سنين
ايه اللى كسبتوه غير قرش زيادة وسيره هباب
فرحتوا ولادكو بكيو كباب
سقيتوهم عناب الخاينين
**

ونسيتوا إن اللى بيكبر
على قرش حرام آخرته طين

•

○ عمرك ما سمحت لحدّ يناقشك
أو لجنة تنوء فيك
رأيك كان وحده الأجدى
والأجدع والأجدر – بيك
وتقول لى ثقافه وتنوير والمجلس كله على حد
السيف

كما عمدة ف ريف انت
بتأمر وبتسأل وترد عليك
**

لا يمها وراجع نفسك
طهر أمسك من رجس ايديك !

-

0 أنا مش ز عيم خطير
باحرك الجماهير لحتفها
ولا سياسى كبير
بارسم خطط مصيركوا واهدها
وان كان خانقتى الغضب م العنطرة والجهل
باغزل على المهل
توب عزة يستر عرضها
**

انا الضمير اللى داسه
بعضكم على حصير فقرها

•

O ضربوا البروجى
للسيسى عبد الفتاح
والشعب هيص كالعادة
وقام الافراح
سألت لابسين الأزرق خلف الأسوار
قالوالى مش كل الأطيّار
بتطير بجناح
**
وركز انت فى الأشعار
يمكن ترتاح

•

0 الرشوة تاكل ضميرك

زى جمر النار

وتشل روحك

تخليك جثة فى تيار

يحاصرك الهم مافيش لقمه تهنالك

ويكل بالك بمالك

خوف خراب الدار ..!

**

.. ومش مصدقنى إسأل

- مدحت الجيار !

•

٥ حضرتم الحفلة

سقفتم وزغردتم

وبأسم مصر

اللى فاتها القطر رَوَحتم

وأهى حفلة وتفوت ما حد يموت ولا يدري

ح يجى بكرة

تقولوا ياريت ما بدرتم

**

سودا الليالى

عطتكموا كتير وانكرتم !

•

0 مش عايز ليه تبقى كبير

مع إن ده قدك ..

بتضيع عمرك مشاوير

أصغر بكتير عن حدك

يامفكر يابتاع التنوير تلاميذك فين ؟

كافة جرانين النفط

ما ح تقدرشى تجمل ردك !.

**

وجميع دلالير الجهَّال

ما تبشيش طوبة لخدك ..

•

O أزمة حياتك
لاختيار الغلط
على درب زحمه
الكذابين واللبط
كل اما تغزل خيوط الشمس تفتح طاقة
تلقى نسيج البراءة
بين إيديك انفرط
**

ويوم عرفت الحقيقة
برضه سُقت العبط

•

O على قد طمعك

خير وشر بازيدك

ياللى افكرت ان انا

اللى مسلسل قيدك

وإن السما والأرض مسخرين لجنايبك

راجع دفاتر حسابك

إنت كاتبها بإيدك !

**

لفين يا ابو الهم تهرب

عبدى وانا سيدك

•

O اللى كرهته بجد
عمره ما يكون حبيبك
واللى انت حصّاته
يادوب لوحدہ نصيبك
آدى حياتك وراك – عملت فيها اللالى
ما باقى غير اللى
فى أى لحظة يسيبك
**

فاصحى لمين ياخذك
ومين ح يجيبك !

•

0 الجثة صاحبة مازالت

حية الأطراف

لأن يوم غسلوها

دفنوها خلف خلاف

ومش مهم الأسامي كلهم جاهزين

مز فطيين كالبغايا

ثقبلة الأرداف

**

واللى نفق فى الشتا

بتخمره الأصياف !

•

0 طولت فى الخدمة يا صاحبى

آكم دلكت

اتقنت فن التغاضى

والتراخي سلكت
قطعت ديل اليسار وسلقت بيض اليمين
وما بين جيهانه لسوزانه
علقت رسمى هلكت
**

يافقس بدرى حنانك
م المرارة شرقت

•

0 حتفضل الشبوعفة

حلم الإنسانفة رعم أنف البمفع

مهما بطول الشفا

لابد منه الربفع

هفة المصالح وهو نفس الصراع ما اختلفش

انفوالى واخذفنها قفش

وملهوففن ع البفع

**

جرابفع نفاهة الفارفع

على طول الفارفع جاربفع

•

O عمال تدور زى نحلة

خايفة من دبور

برغم ان الحياة

شايلة لكلن دور

غرقت انت فى ذاتك ولا وعيت ملكاتك

القطر فاتك بكيتك

تهت يامغرور

**

قاوحت سُنن الطبيعه

وقعت فى المحذور

•

O وعدت نفسى بطبق
كشرى وشطة كثير
إثبت لنفسى انى شاعر
فى ظروف هبلة واسمى سمير
والكشرى خلطة رهيبة مرتبة الفوضى
تاكلها ترضى وتفهم
كافة التفاسير

**

فلتقتنع باللى صار
وتبقى ملك الحمير !

•

○ مش مهمّ تشتتم

فى عدوك وتشرح فيه

أهمّ – ان تحذر منه

ولا تأمن ليه

ياللى انتو ضيعتوا حياتكو تحاليل وكلام

جنيتوا كام إلا فتلتتم

ماشنقكم بيه !

**

راجعوا التاريخ بلا عصبية

ولا تبكوا عليه !

•

0 كثير بتبقى اخطاءك

من صنع ايديك

زىَ إن تتضم لتتظيم

مش مالى عينيك

وتعيش ترمم فى شروخه خوف ومجاملة

وتهزمك خيبته الشاملة

تكتف رجلك

**

ذنبك وانت اللى اخترته

والحق عليك ..

•

o أنا من سقتنى هزيمتك

يأس يوم ورا يوم

خايلنى طيف الأمل

من بين ركام الغيوم

فلا تخذلىنى استأنى الناس ماهيش الناس

راعبنى إحساس

تعودى وتغرقى فى النوم

**

يامصر مش قافيه – لأ-

إنتى .. بلا ألبوم !.

•

0 سندتكم ضعفاء

ع البركة ولاد وبنات

سقيتوني ياما أسية دقت

كم عذابات

كبرتوا (ياما شا الله) فضل و عدل واستغنيتوا

في نداله غنيتوا

فات اللي راح ومات !.

**

ما بقى لى من ذكرياتكم

غير سراب حكايات !

•

O اللى مفكر نفسه اكبر منك

عمره ما ح يشيل عنك

واذا صادفت وأستطعم منك

ح يشيل منك

أو يلبد فى الدرة مستنظر غفلة عين

لجل يلبك أسفين

يطلع ضفره بدمك

**

لكن اللى كبير بطبيعته

عمره ما يخلف ظناك

•

O بلد عجيبة

رزقها ف رجلها

لكنها تبعتره

قبلن ما يوصل إيديها

ياواهب النيل غباوة لما كان فيضان

لما انكشف هان

وباض لعنته فيها

**

خبيتها من صنع إيدنا

والا الوبا دين عليها

•

O إوعى تظن ح تبقى مواطن

حر وبلدك مشلولة

أو تبقى مثقف متنور

وامك لا مؤاخذه معلولة

الأرض اما تطبل لا بتطرح فاكهة ولا قمح

والسم ما يطول الجرح

تبات الروح مقتولة

**

فافهم ياز عيم التنوير

شبابيك ليه مقفولة !

•

0 عطوك جايزة متأخرة

ما كانتش من مقامك ..

ليه تزعل ما هي كانت

متألقة قدامك

انت اللي عملت لي فيها مناضل نكدي وارا جوز

ما قبلتش إنه يجوز – كدبة

تبيض على طرف لسانك !

**

مارضيتش تخون اللي ماتو لك

ما فضلتش على أحزانك !

•

0 أول ما حَسَ بدبيب السلطة

فى ضلوعه انتفض بدنه

فاستدعى كل اللى صنف

عقله أو عجنه

يا عم دول اللى حطوا الملح فى جروحك ووزوا
عليك

قال حين يشوفوا إيديك

مليانة يتلجموا ..

**

وح يبوسوها بغرام

من يفضحه ندمه

•

O نفسى أغنى أبتسم وافرح

وليه زهقان؟

ماعدت طابق صورة على شاشة

ولا كلمة من جرنان

كافة همومى الهفية صنعتها بإيدى

وجميع قيودى العفية

ما تسوى يوم زنزان

**

ياما كان زمان الأمانى ..

وكنت بيه إنسان

•

o الطيارات الورق فرحانه

راكبه الريح

بتبص من فوق على مخاليق

بشر مجاريح

من التعب يحلموا يطيروا بلاد الله يا خلق الله

وبيقتلوا الآه مع

خيوط وهمهم تسابيح

**

ويحسدوا اللي بيطيروا

بدون خيوط في صفيح

•

O تفرق طبعاً بين اللى شد هدومك
واللى شنكل رجلك
ومؤكد ما بينهم وما بين اللى
طول الوقت يوز السلطة عليك
أما اللى متخصص يطفى النور كل ما جمهور يتملى
ملاحك
مش أندل م اللى يخرش
جرحك ويشل إيدك

**

كانوا كثيراً أفضعهم هو اللى ماقراش
كلمة ليك اسم الله عليك !

•

O الدولة رضيت عن شعري
وعطيتي جازيتها بقشيش
طب ليه الحاجب مش راضي
ولا راضي عليه الألاضيش
غنوتي مش ح احبسها ف صدري كفاياها سجن
الأرشيف

ياريت يا عريف عقل الدولة
تطلقها ترفرف وتعيش !

**

لو عامت على موجة الغنوة
راح تعشق لحنها ياشاويش

•

O جازية أميرة وبسيطة
للى نالها بحق إبداعه
ياما غيره خدها بشطارته
ولهف اللى اكبر منها بدراعه
وكتير غيره خدها ترف من غير شرف ولا حق
طنش ما قال لأ
حين جت له بحكم أوضاعه

**

وأكم كثير شرفاء
إتنسوا وضاعوا ...

•

0 فى مصر عجائب أزلية
على بال إبليس ما بتخطرش
تترقى غير ع البنك الوطنى
وانت أصلاً مابتشوفش
أو تبقى زعيم وسكرتير الكتاب ومالكش ولا
كتاب

وبحكم المحكمة مختوم كداب
فتألف للأطفال وماتسترش
**

ويعطوك جايزه من حقك
قلبك بيوزك رعباً – ماتاخذش

•

○ مازالت قاعد متكسح

على شط النهر

باحلم عدوى ح يجيني

جثه من القهر

سنوات وسنين وانا متلطم بين الأسواق

بامضغ على أسنان

الأشواق خرافات الصبر

**

ولا مرة صدقتِ نصفتي

ابتهالات الفجر

•

○ فرحانة مصر الحرة

جدا .. بابتداء شهر الصيام

ولذا بكل الحماس

بتلغ فى اكوام الطعام

سبحانه من أودعها عقل لكن دورين

يسار يمين مؤمن

ماييصوم عن كلام

**

ولذا بتشهق آهات

ساعة الصلا وساعة الغرام

•

○ بتقسموها ميراث

نهية يمين ويسار

باين انه مافيش فى بلدكم

غيرى حمار

الكل ببسرق حتى رمال الصحرا بحجة بيعمرها

وبنتى فرحانه بتصاويرها

باعتبارها (آخر جدار)

**

يارب حقق ظنها

فجر مدى الضلمة بنهار

•

○ الكل ما صدق

يخلص من حكم الإخوان

إلا قام اتشهد

واتوضى وصام

وكأننا كنا من قبل الكارثة كفار بصحيح

وده كذب صريح

ونفاق يابتوع الإعلام

**

جتكوا مصيبه تاخذكم

وتموت كل الأجهزة بزكام

•

٥ عمال تصنفر فى سطر

وتستريح على سطر

يا عم افهم حفيت عجزت

فات القطر

هو انت ح تاكلها والعة فى جميع الحقب

عمك وقع م التعب

ما لحق صلاة العصر ..

**

فالحق ياشاعر وتوب

واعقل لتتسأك مصر ..

•

0 رغم طولة العمر

صاحبة ف قلبى بعض أمنياتى

إن (هالة خليل)

ح تقرا صدفه شئ من رواياتى

وان (كاملة أبو ذكرى) تطبنى وتتعرف عليه

وتلقى فى ابن (عليّة)

شخصية تعيد إنتاج حياتى

**

مش بعيد ع السينما ياابنى

أن تعيش فى ذكرياتى

•

○ قدرك تصير انت
كبير العيلة يامعلم
مطلوب تشد اللجام
بأصول وتتعلم
تكون بعقلك منارة فى العتم ودليل
ما تكونش ديل
بكافايانا قرون بنتألم

**

أطفالنا راهنوا عليك بكرة

- مش مسموح - نتندم

•

0 طول عمرك بتتصّب روحك
حارس ع الأخلاق العامة
كاره مكرو فونات الملاحيس
وز عيق المتاعيس اللمة
ناسى أن الخلق جميعا من فقرها وتفاهة عقلها
بتزعق

وانت نفسك متعلق
مرعوب غضبان من حال الأمة

**

مابقاش للانسانيه مكان
اهلك غرقوا فى برك الغمة

•

0 فى ساعات ياما كثير
باحتاج حد يكلمنى
انا اللى كانت حياتى
بتشغى باللى يحبنى واللى يعلمنى
ايه جرى فى الدنيا خانق مصر اللى أحضانها
براح

مصر غيطان الرياح
اتعودت تستغنى عنى

**

كل دول ماتوا وفاتونى
وكل دول خذلونى وأخلفوا ظنى

•

○ لسالك شايل الدنيا على قرونك

- هو انت التور ؟

كفاياك استهدا ياابنى

لاعبت الدنيا ميت دور

خسرت كثير، بس كسبت بشرف الماضى المستقبل

وماكنتش أهيل

لما رميت ورا ضهرك كل شهود الزور

**

واذا باقى لك صاحب واحد

تبقى بحكم طبيعة المرحلة منصور

•

○ الدنيا بتتلون قدامى
وترفر ف زى فراشة
وعلى سهوه منى
زى النمل ورايا بتتلاشى
كل دى مية ف كفك دواوين وروايات وحاوي
فينك ياغناوى (سينا ونيرودا)
ضعتى ف زحمة منلوجات الحشاشة
**

غرغرة مُرّة – ولبانة
ف بق أبو العريف والباشا ..

•

O غصبن عنكم يا أحفاد إبليس

ياولاد الشيطان

راح يرجع زمن الشعر

وح يسود الإنسان

هذا أمر مؤكد طول ما فى نبض الأرض حياه

وطول ما الآه البشرية

بتزلزل صمت الأكوان

**

هذا ما أنبأنيه الموعودين

بالفجر ف ليل الأحران ..

•

0 كل شئ فى مصر عشوائى

بدرجة الامتياز

الأغانى والمبانى والشوارع

والحوارى الجاييه جاز

كلش كان – كل شئ حتى بورصات التجارة

وإدارات الإدارة الهمايونى

والوزارات القزاز

**

غير بقى المنشيه والاباجيه

وضواحي قصور الامتياز

•

٥ كلكم راهنتوا

على شرف (البرادعى)

ويوم جمعكوا أنا امتنعت

وكنت مدعى

أصل قلبى قبضة من طينة بلدنا

صليب ومدنة

ومن دما شهداءنا سجعى

**

فارحمونا من فصاحتكو العقيمة

واعتبرنى يا (جورج) رجعى !

•

○ صعب إنك فجأة تلاوع

صاحبك وتبيعة وتفضل إنسان

ساعتها ح تحس بحاجة مربية

تعض ف قلبك – باسنان

أحيانا بييسموها عضة ابليس مع إنه برئ مش ديب

بس انت يا أديب ح تحسها

أول خطوة ف رحلة تلاقيك حيوان

**

إوعى لنفسك واصحى

حرر روحك من أسر الأوهام

•

٥ برّر (للحجاج) هدم الكعبة

وبعدين توب

استغفر لذنوب أولاد (سفيان)

مادام كله مكتوب

من أولها ربك كتب الرحمة على نفسه مش لعباده

ومادمنا بقينا أجناده

الدم مقدر محسوب

**

فاعملها وانت بتكبر

ربك رب قلوب

•

٥ جينات الكذب أصيلة

عند جميع الحكام ..

حتى لو كانوا ملايكة

أو من جند الرحمن

قلِّبْ أضابير التاريخ من بوش لستالين للمالكي

عسكري مدني أو ملكي

ده حرّ ببردعة وده مخبر بلجام

**

الكرسى بيسخن م القاعدة

يكويهم جمر الأيام

•

O باحتاج اكلم مصر

خصوصى وقت الجد

بالقى الخطوط مقطوعين

وانا رصيدى نفذ

وكنت فاكر يناير نور السراذيب ووصل المقطوع

طول عمرى شاعر جموع

طلبت ما جاوبنى حد

**

ولقيتني على شط نيلها

مصلوب ومستنى الرد

•

O وكأنى صندوق بطاطس

مرمى فى الأمانات

الكل يوم سلمونى

ما خدوش وصولات

سهران أعد الزوايا واخربش الألواح

أبكى زمانى اللى راح

راعبنى همّ اللى آت ..

**

هرب الزمان من مساره

وركب حمارى اللى مات

•

○ الدقن لما تمد جدورها

فى عقولكم ..

تهياً لكم إنكم

وحى السماء قولكم

ياللى انتوا بالكهربا وبالذرة سوقتوا الإبل

جميع آبار الهبل

ما طهرت ديلكم

**

قوموا جهزوا الخيام

أجدادكو تناديلكم

•

○ أبدأها مرعوب أموت
قبل ما اكمل سطورها
يفاجئني وحى (العتب)
تسكرني على طول خمورها
حكمة تسطر حروفها سلّمة لِسَلْمَة
ألاقيني فوق السما
كفى تزلزل قصورها
**

يملكني ملك القوافي
يرميني في هوج بحورها

•

O باقى لى فى قاموسكوا

شتمه عمرى ما نطقها

يامبرمجين السياسة

على مقاس خطها

كنتم ولاد الحكومة و عشتوا براغيت هدومها

شيلتم همومها بحنان

و عملتوا مابدها

**

دلوقتى ايه اللى فاضل

غير خبيث طعمها

•

○ الفارس راجع من معركة الفرن

بيتخايل برغيفين العيش

ووراه ست الحسن عزيزه

شايله شيكاره قراقيش

راح يعملوا فته على كارع وح تملا الشارع ريحه
التوم

وان جالهم نوم راح يحلموا

بصواني كنافه وياميش

**

جاي تعمل ايه ياشيخ رمضان

في عز الحر ومية مافيش!

•

O وكأنى قارب قديم

على شط من غير شراع

بامضغ فى رمال الحصى

عاجز أخشى الصراع

أنا اللى كنت الفتى للبحر والفاتنات

غزيت فى لاربع جهات

كافة حصون القلاع

**

السن فضح الخفايا

وحكم بنزع القناع

•

o الصراع الازلى بين

لا بيض ولا سود ياما كان

زيه ، مش بس الصراع

بين لامريكان والامريكان

الصراع ممدود ومش محدود ومش خافيه آثاره

عمره ما راح تهدي ناره

فى الزمان أو فى المكان

**

لأنه طبقى بامتياز

لو فى صالة بورصة أو حالة إيمان

•

O من عجائب عصركم
هذا الذى اتعّرت وراكه
إن تبقى فى حزب
لكنك ما تدفعش اشتراكه
أو تكون زعيم وريس مع خمسة من قرابيك
يقفوا جنبك ينصروك
على كل من معاكو ..
**

واللى أغرب من ده واكثر
إن شايفين اللى قدامكوا وراكوا

•

O ياما جيوش عبر العصور
نفقت عشان تاج الجزيرة
وكم طغاة حكام بغاة
وملوك كثيرة
كلهم فوق العروش اتمكنوا لبسوها السلطانية
يحسبونها دهبية
وهى ما تسوى برام عجن الخميرة
**

أصلها عيرة ورق
قالت : الأم الفقيرة

•

O برقت الطيارة مرقت

من خلف السحاب

زى نجم عجوز قديم

ونوره أصبح سراب

قلت من فين يا عروس الجو جاية ورايحة فين؟

أنا وحدي من سنين

مهجوره فى رحلة الاغتراب

**

لا رحيل ريحنى هسة

ولا راحة ف إياب

•

0 على قد ما قربت م السلطان

ح تدفع تمن

وبقد ما ح تعاديه

ح ترازيك المحن

بإرادة أو غصب تختار بين عدو وخدام

تترجى أو هام سلام

يعدى بيك الزمن

**

أو عيش بأحلام تعيش

درويش فى حب الوطن

•

٥ قاعد بسدِ خروم

مصفة حياتى الفذة لاستثناء

خروم خرابيش صحابي

وزمايلي ومدافع الأعداء

وكل ما اسد خرم ألقى جنبه كثير

وكأنى عشت الفقير

لوحة نيشان لكافة الأغبياء

**

أو أنت كنت الغبى ياسمير

فى عصابة م الأذكىاء

•

O يا عم إفهمها إنك

مش عويل منهم

إنت رباية ابوك

فرقت كثير عنهم

كيف يفرحوا لفرحتك أو يحزنوا لحزنك

وكل ما قاله فنك

صدق بيديهم؟..

**

إفرح لنفسك بنفسك

نجاحاتك تعكنهم

•

o الحزب دا اللي انت ظنك

انه كان بيتك

فاتك على الناصية

أنكر كل حواديتك

عقلك تحير ياناس الكون بيتغير فكيف بالناس

إنت اللي حساس ولسه

بنفس جلابيتك !

**

مازالت تعجن دقيقك

من حلال زيتك .!

•

0 الشارع طهقان بتفرج

على بنى آدمين

من كتر ما ضاقت به الدنيا

فى يسار ويمين ..

تكتك يتخانق مع كارو وملاكى زنقه السرفيس

وكابسهم أوتوبيس متشرد

مش عارف سكته من فين ؟

**

والكل بيشتم ويزعق

والهوجة مالهاش قوانين !

•

O جاي لك صباح مختلف

بكرة فرحب بيه

خايف عليك تنكره

جهلاً وتحترار فيه

هذي طباع إنسانية خوف اللي ماتعرفوش

ولذا بيطلع فاشوش

حتى اللي مستنيه !

**

فانسى اللي بالصدفة فاتك

واياك .. لاتبكي عليه

•

○ تغرك السلطة

تستوى برب الكون

ولا انت شاه

من ملوك فارس ولا فرعون

ما كنت إلا مواطن غبى ولبسوه عمه

لا دين ولا ذمة

ولا فعل الزمن مضمون

**

لو كنت مؤمن ما كان تدمن

فعال الدون

•

٥ أجمل ما فيك لابتسامة

الطيبة فى عبط

والكل فاكرك مقرّم

ابن حنت ولبط

ح تعمل ايه فى السياسة كيف تمشى أمورك

وكيف ح تقرا سطورك

من غير تقع فى الغلط

**

فين اللى رقصوا لظهورك

م المسلمين والقبط

•

0 ماكسرشي نفسى السادات

ولا مرسى ولا ناصر

لكن مبارك خنقى

سقانى كاسه للآخر

كان عقله خامد وقلبه بارد وايدة طويله فين تتمد

لذا لا كان حد قده

ولا عليه قادر !

**

إلا اما زلزلها تحته

المرهق الصابر !

•

O أجمل ما فى الدنيا دى

اللى فرقت لاصحاب

صوت الصديق الحبيب

لما يدق الباب

يخضر ما بين ضلوعك شجر الربيع القديم

تمس قلبك سليم

لم هز شعره الغياب

**

ولا هد حيله التجنى

ولا ضل بيه لارتياب

•

O هوَ ليه هادى كده
وطيب قوى ياولداه
يكونشى أمير أسطورى
مرسل من عند الله؟
راح يملا الدنيا كرامة و عدل بتعميم أشواقه
ولا بذكاؤه ح يسيبها
لكل منا يغنى على ليلاه ..
**

زى ما عاشت من بدء تاريخها
تنغم فى الحزن وفى الفرحة الآه؟!
•

0 (سلمت أمرى لصاحب

الأمر فى أمرك)

ياللى انت رغم اللى عشته

سايبها تتأمرِك

تتشيطن الناس تطبل هبله تاكل بعض

ح يقسموا الأرض ولايات –

باذن الله – ح نتجمرِك

**

ضيعت حلم الصبا

ورميتنا ورا ضهرك !

•

O ليه ميكروباص الحكومة
ماشى فى الممنوع
قطع سجل المخالفة
قفل على الموضوع
وأنا كنت فاكّر العدالة نصرة المظلوم
رفدونى اعد النجوم
وامضغ رغيف الجوع

**

ابكى الضحايا اللى ماتوا
مرعوب من المخلوع

•

O أنا زجلى فاق (المربع)

رقص الأرياف

وبشعري تم (المربع)

لو يكون إنصاف

حداد وجاهين وبيرم وابن عبد الباقي

تسال يقول لك ما باقى

سوى شرف الرغيف الحاف

**

شعري بنى مملكة

بس الغفير خواف !

•

0 صوت البلد على بز عق

بيتربط لموجة موت

قام اللى مات م الحجر

ومن الشجر له صوت

حملت بطون لامهات أموات برعد ومطر

ضجة ديبب الخطر

حرقق غصون التوت

**

خرمت ودان الغبى

عصفت بريح مسكوت

•

o لما سلطان الصدفة
يتمكن من حكم بلاده
ح يبيع فى سبيل الكرسى
حتى أعز أولاده
وإذا قمت ساعتها تطالبه برغيف وعدالة
راح تاخده تهاويل الحاله
ويسوق ع الكل عناده
**

ما هي صدفة ماهياش صدفة
حباله فى إيدين أسياده

•

0 صار الرغيف بالبطاقه

إسرح وراه ح تلاقية

مع ان مافيش رصيف

ياشعبي تمشى عليه

مش كنت فجر الضمير رب السما اختارك

ليه راضى تخريب ديارك

بايديك وفرحان .. ليه !

**

جهلك رهين إختيارك

ح تبات وتصبح فيه

•

0 رجع نظام يولية

بس معادى لز عيمه

راح ينتقم منه ..

حتى يتم تجريمه

هو انت فاكسر السياسة علقه خناق وتفوت

لا فيها موت واللى عمله

لا بد تحريمه

**

اللى بناه نهدمه

من بعد تقسيمه

•

0 بعد ما فرق الظلام

بعض شى عن بعضها

مصر قايمه فى الغيام

تكتشف ذات نفسها

ماتخافوش من شئ بيغلى ف نفسكم على نفسكم

مش ح ترجع غير بكم

ياللى انتو سر عجزها

**

راجعوا تاريخكم واذكروا

إن انتوا أصلاً ملحها

•

O إياك تقول لى انه كان

كوره ولعب اولاد

هذا اللى كان مذبحة

فى بورسعيد لاستاد

وبين اللى دبرو فكر تبان هوجة وشئ طارئ

ومين اللى متواطئ

وقاصد هتلك عرض البلاد

**

سامحنى ياشعبى قلبى

طحنه لاستبداد

•

O لازم تتغير حتى لو
فى اليوم السابق لوفاتك
لازم تتغير حتى لو
كنت مقدس كل حياتك
روحك مش ممكن تتحرر من غير تغيير ورا
تغيير

وخصوصا وانت كبير
فاكرانك مكتمل الصوره متحكم فى نزواتك
**

التغيير الدائم وحده
هو اللى ح يغفرلك حماقاتك

•

0 محدش ح يظبط ملح
طيبخك الا انت وبايديك
لا شى ح يعدل خط
طريقك غير خطاويك
صارح نفسك أول هام بعيوب نفسك
راجع أوراق أمسك
اتعرف فيها على أسرار بلاويك
**

ساعتها أكيد تستطعم
حصوة ملحّة دمع عينيك

•

O جهاز رغيؑ الفطار

ويا رغيؑ العشا

ولا بكره الصبح

تلاقبك ملطشة

لصاحب الفرن وصبية ولفندى مفتش التموين

وساعتها مين راح

يغيؑك فى الخناق م الخربشة

**

ياخلق اصناف مصر

ومن زمان مات الجعان اللى اختشى !

•

O أنا من زمان كنت ضفدع

من ولاد الطين

وكان القمر يرمى ضيه

أغنى للسهرانيين

ماكنش صوتى جميل ولا كان غنايا خفيف

لكنى كنت ابن ريف

زيه ضعيف وحزين

**

باتمنى تحشرنى أرضه

فى زمرة المساكين !

•

O انا مستغرب ليه ماقلتش
ببساطة مبروك الجائزة
قلت يجوز مستكترها عليه
ولا ظروفكم متحايزة
انا ماجريتش وراها وحقى مؤكد فى الأكبر
لكن انا فاهم ومقدر
أسباب الخلق ال مش عايزة
**

الظرف معقد وبلدنا
من ساسها لراسها جهابذة

•

O لسأى بطين البرك
مع انى رحى باريس
وقريت كتاب البشر
وشربت نار إبليس
نزلت بحر الغرام عثمان يطهرنى
جنونه حيرنى فيكى
ضعت فى الكواليس

**

لكنى باحلم ومستنى
قيام أوزوريس

•

٥ لحد أمتى حتفضل رقم
فى دفتر التموين وسركى الجيش
وجدول انتخابات عديمة الجدوى
قايمة على التهويش
لحد امتى وانت صانع المعجزة ومحرك
الساكن

ماتقولش لكن
دى مصر من عرقك بتلقى العيش
**

فارفع دراعك هز بيها السما
دى الأرض بدونك ماتمشيش

•

o أنا كنت مدير عام تحت رياسته

ومحصلتش ألف

وكنت اذا احتجت اقبله

أركن فى الصف

مع ذلك ما لفتش نظره ولا جرح وضعى أحاسيسه

أبو مخ مفتحه ترابيسه

كان دايمًا بيراعى الظرف

**

ولذا مارقصشى على السلم

ولا لج لج فى لسانه الحرف

•

0 نفسى ابقى وسط الجماهير

مدمن كورة

أحفظ أسماء اللعبة

المحترفة والمشهورة

ح انسى أحزان المحروسة وهموم الناس

وافقد إحساس

البنى آدمين المقهورة

**

ساعتها ان ضربونى على عيني

ما أحسش علشان مكسورة

•

0 أخرج من سجن الماضي

وقطع كل إحباله

دافنيناك غضب وراضى

أفسدوا عقلك بخياله

خرافات وقصص وحكايات أنبيا وشياطين

موحول فى الطين

لو فقت بتعميك أوحاله

**

أجبال بتلقن أجبال

وبتموت مجاوبتنش سؤاله

•

O السيسى طلب يزورنى
وانا خفت عليه
وده طقس قديم
كل الزملا فاهمين معانيه
أنا أصلى زعيم حتى قسايدى ملوك الأشعار
كم عدى نهار يلحقنا نهار
أغبر نبكيه

**

لذا كل الرؤساء عشقونى
حتى ابن الإيه !!

•

0 الشعب فى وادى بيلقط

رزقه - فلاح وعمال

وحكومته ف وادى ملخومة

بصحابات لاموال

راسين دماغين لا هم فى يسار ولا هم فى يمين

لكن ناسيين من غير رقبه

ح يموت فى الحال ..

**

الوطن المتمزع جسده

ما يجبش عيال

•

O لو صحيح راح تبنوا الاشتراكية؟

أحزابكم بتاعتي

وإذا للوطنية طوعتم علوم الماركسية

تبقوا نسيج عبايتي

فاشرحوا لي بكره يبقى الماضي ايه وليه وفين؟

لجل ما يشب الجنين

صاحي بشهادتكو وشهادتي ..

**

افتحوا صدوركم لريح الصدق

قد تكمل قصيدتي

•

○ لسانك زالف – مخك

صاحي وليه شايفك ميّت ؟

كلامك زى المتسجل

بس على شريط متزيت

داهشنى إنى سمعته منك بدل المرة مرات

والأدهش منه زمانك فات

ومازلت ما بين البشوات متصيّت

**

بركة دعوات أمك

والا صواميل مخ بلدنا بتقوت

•

O أبشع حاجة فى حكامنا
غرامهم بالمال السايب
مش سرقة لكن فنطزه
بمنظرة ومواكب
شماشرجية ودلايل وحرس مخاييل شنبات
رجاله وستات ظهورات
وكأنه خارج ح يحارب !
**

غير الكاميرات وبتوع المانشتات
مين اللى يستجرى يحاسب !

•

٥ أول ما تجاهلت الشارع ..

مابقتش أسمع حسه

مع إنه كان زى السلك

العريان غصب عنى بالامسه

صاحب القهوة معلى التليفزيون واترجاه يطنش

والتكتوك بيهر بش بسرينه

مقطورة وشايف نفسه

**

شعب بحاله مولود بيزعق

والأفضل تنساه أو تطلب حبسه

•

0 عقولكم مربوطة من لغالغها

بجزم اللعية

غلاية وفاكرين انكوا بالفتافيت

اللى بتلموها كسيية

فى دنيا غدرت بيكو وخليتكم عايشينها باليوم

أنفار مش قوم

مرهونين لحسابات الهلية

**

تترموا بايديين حكامكم

من نكسة لكارثة لمصيبة

•

0 أجمل حاجه تكذب على نفسك

من نفسك وتصدق نفسك

يعنى ان قالوا تعالى وزير

تلحق نفسك وتراجع نفسك

لو كان فيه حاجه ف نفسك إالحق نفسك واعملها

أوعى تأجلها ذات نفسك

كن على كيف ذات نفسك

**

وقتاك أضيّق من نفسك

فالحق نفسك قبل مايقطعوا نفسك !

•

O ياعم تواضعوا شوية
فى أحلامكوا وأفكاركوا ياعم
ماحدش ع القهوة ولا
فى السرفيس بكلامكم مهتم
بلدكو ف أزمة حقيقية وانتم أكبر أسبابها
واقفين على أبوابها
تعجنوا وتلتوا خبيز الغم
**

تقروا وتكتبوا لكن تكذبوا
لو حسيتو انكو حتشيلوا الهم!

•

○ كلكوا مربوطين كالعادة

لر غيف اليوم وغموسه

زى العميان بتبرطعوا

فى مكان ما بتدوسوا

ولا واحد فيكوا بإرادته بيفكر ايه راح يحصل بكره

ولا واحد منكوا حداه

فكرة غير إنه يعد فلوسه

**

يخسارة ما فيش فينا مفكر

يهدينا وانا كنت أبوسه

•

o أصل الأذان صوت (بلال)

إنساني سلسال ذهب

ليه تجعلوه طبل عالي

وز عيق غبي بدون سبب

يز عج ضجيجُهِ المريض ويرعب الأطفال

(الله يحب الجمال)

نادى عليه بالأدب

**

هديل يا صوت الأذان

أشبه لطلعة رجب

•

0 حكم العسكر مش فى (السيسى)
و(صبحى) وصف الضباط نوابيهم
لكن فى الوزارات والإدارات العليا
والأقاليم والشركات الحكر لمناصبهم
كل القمم التنفيذية والتشريعية والثقافية والدينية
متفصلة للرتب الميرى والشرفية
اللى برة وجوه الخدمة لهفوا نصيبهم
**

وكانها مصر بحالها ومالها ومحتالها
طلعت تذكرة فى يناصبيهم

•

O مين اللى أوحى إليك

إنك وصى ع العباد

وإنك إذا عزت ترضى

وإن عزت سقت العناد

ومين عطاك سلطة عليا وانت يادوب خدام

لجام فى إيد النظام

أو حبر ختم اعتماد

**

يا عم بص فى مرابتك

الناس شافوك بالكاد

•

O يامولانا كفاية تسول
عدينا القرن العشرين
الخيمة صارت أسانسير
وزير امك بقى ميلامين
وحفيدك سهران يتلقى الوحي بنفسه من جوجل
وفضيلة الشيخ عوكل عمال
يحشى سرواله حسناته بالملايين
**

الشبكة وقعت من بدرى
ورصيدنا مافيهش الآ – آمين !

•

O الحياة مش لابسة جزمة
قول جابت رجلين منين
والشوارع مستحيلة
زحمة وغباوة وأنين
درت من شبرا لزمالك للزتون لاصطبل عنتر
ما قابلت الا مأيّر
أو مزرزر أو حزين
**

قلت فين انت يامصرى
كنت عارفك من سنين

•

○ أشنع من الشاويشية الميرى
الشاويشية الملكيين
تلاقيهم مرسومين بشياكة
وعقولهم مكبوسة عجين
وتشوفهم فى السوق والأوبرا وع القهوة وفى
البورصة

مستنين الفرصة يدبوا
ضوافرهم فى البنى ادمين
**

سبحانه من كتب الزلة
على عباده يسار ويمين

•

O مين أو همك باسمنا
ولسانا تتكلم
ما إنت إلا نفر
على ذنبه بيتندم
بلقمه الذل لاسيادك مليت كرشك
بتغيظ بقرشك خواتك
لا بتصاحب ولا تسلم
**

بیر الكرامه نشف
والطبع متحكم

•

O ياما بدأت فى خطط
وعجزت أتممها
وعمرى ما بكيت عليها
ولا اشتكيت منها
حياتى طاحت بى جزر ومد فى رياحها
أحزانها وأفراحها
ماقدرتش أأممها
**

لكن حنيت روحى حره
رفضت اسلمها

•

O الجائزة جاتنى

ومرت ريج على حدودى

لأنى لابد أسد

ديون على جدودى

الفقر عمره عتم واجهه بكعب المداس

واتحامى فى الناس

ومايهمكش (أحقودى)

**

أصلاك اكيد ينصفك

يانفس وتسودى

•

O انا عمرى ما كرهت شاعر
كان شريف إنسان
حتى اللى جاروا عليه
وقلبّوا الأحزان
لأن شعرى غسل روحى وطار بيّه
يدق باب السما
كى يعدل الميزان
**
لا لسانى غنى لهبئل
ولا قبل إحسان

O لا نفشت ريشى

ولا غيرت عتباتى

أنا طير أسير الهوى

أغنتنى غنواتى

عمرى ما دخلت حوصلتى قمحة مسروقة

ولا روحى كانت قلوقة

بفعل نزواتى ..

**

أمى اللى كتبتى

وابويا لحنّ أمنياتى

•

O بانام ولا عسكري ميري

مهزوم جزاءات

سهران وباحلم بهم

والليل مسافات

قلقان اقرقص اتمدد واحرك وأكِنُ

انا اللي كنت مخاوى

الجن اولاد وبنات

**

أتارى ولى زمان العشق

صار ذكريات ..

•

O ليه النديم لما عجز
جار على (عرايى)
وعم (بيرم) فى شيبته
استقوى بمرابى
دى لعنة السن والآ تغير الأحوال
باحلم بموال صبى
فى شيبتى كشبابى

**

يطلع بأخر نفس
ما بين رفقاتي واصحابي

•

0 أختى التى علمتنى

زمان أفك الخط

واخوالى اللى سقونى

الحكمة يوم اشتط

واعمامى فرسان غيط السباخ الخمس أرض الطير

سقونى من بير أصيل

نجانى ف زمن منحط

**

وماكنش ممكن آخ

جائزة بدونهم – قط !

•

O خد ایدی یابنی

وعدینی رصیف تانی

سنینی طالت زهقت

وحالی أعیانی ...

لو کنت دوری انتھی خیر أنا قمت بالواجب

وکان لی یاما حبایب

زاروا بستانی !

**

وان کان لی لسه أمل

ح ارویه باحرانی !

•

٥ قعدتى باخت اكيد

القرب منى ماعدش غاية

لا ح اوحى لك بدء القصيدة

ولا بنهاية الرواية

أنا شاعر النكد القديم والإلتزام بالوطن

هدنى الزمن الرجيم

وهرب منى صبايا

**

وما فيش نية لأصحاب السيادة

أن يمشوا على هوايا

•

O الناس بتخطف قوتها
من بق الوحوش
رغم التلاوة والصلاة
رغم القضاة رغم الجيوش
بيقاتلوا بعض على البواقي والنفاية بدون سبب
وزى نيران الحطب
بتلتهب فجأة غضب وتنتهى على فاشوش
**

وكل ده فى شرع الحدائي
صلاة فى معبد القروش !

•

○ لما بلدنا حكمها

السفلة والأوباش

قام استباح أرضها

الإرهابى والهباش

صبح الضحايا الغلابة من غلابة الجيش

رهن الصدف أن تعيش

أو ان تموت ببلاش

**

فينك يا صاحب الإرادة

الخونة قابضين كاش

•

O يامدعين البراءة
وممزعين اليسار
لا عاد لكم صدام
ولا جدافي ولا بشار
وليه مُصرِّين أمزع راية الماركسية
وأدوس بنفسي قضية
أشرف الثوار ...

**

ماكفأكوش إن حل الحزب
خرب الدار

•

٥ بلدنا كانت

على طول الزمان مملكة

سلاطين ملوك و ولاء

وسجون اكيد مهلكة

وجه الزمان اللي قلبت جلدھا جمهورية

تاھت معاھا عينيه

على حافة التهلكة

**

طفح الشجر بالإبر

والشعر صار شكشكة

•

O كنت من الأاضيش مبارك
حتى وانت بتعاديه
أصل مش معقول طبق
بتلحسه ح تشخ فيه
للعداوة قانون موحد للعماله ميت قانون
واللى زيك أبدعوا فيها فنون
(المهم اللى تعوزه تلتقيه)

**

ومش مهم ياواد ياملعب
فى صالون أو أنتريه !

•

O الناس بتهرطس وتفرفر
من تقل الأزمة والحر
والظرف صعيب محتاج نعرق
نتعب ونبطل قر
وانت لا بتهتف ولا بتقدف ولا ماسك دفة
عمال تفتى كداب زفة
قبطان عريان ع البر
**

لو م الاخوان كنت عزرتك لكنك
لا مؤخذه يسارى – كفى الله الشر

•

O لما يللمم وزير لجل الزمن
(جَنَحَةٌ) غنم أو معيز
بيظن كلنّ منهم أو منهم
انه اغلى من سواه أو عزيز
لأن آى راعى عدول مؤكد راح يساوى بين الجميع
بسّ فى سياسة القطيع
تحكم سيادته خواطر القهر اللذيذ
**

لجل ما يقدر يسيطر ع المنافق
والموافق والموالس والغليظ

•